

ლანჩხუთის მუნიციპალიტეტის საკრებულოს საფინანსო-საბიუჯეტო კომისიის სხდომის

ოქმი №9

ქ. ლანჩხუთი

22.11.2023 წელი

სხდომას ესწრებოდნენ: საფინანსო-საბიუჯეტო კომისიის თავმჯდომარე ალექსანდრე მახათაძე, კომისიის წევრები: ია მოქია, სპარტაკ კვაჭაძე, გიორგი ჩახვაძე, კახა თედორაძე, ჯუმბერ ბლაგიძე და გიორგი გოგუაძე.

მოწვეული პირები: მერიის საფინანსო-საბიუჯეტო სამსახურის უფროსი როლანდ ლაშხია. ა(ა)იპ ლანჩხუთის მუნიციპალიტეტის კულტურის დაწესებულებათა გაერთიანების დირექტორი გოდერძი ქურიძე, შპს ტურიზმისა და სოფლის მეურნეობის ხელშეწყობის ცენტრის დირექტორი ეკატერინე ჩუბინაშვილი, ა(ა) იპ ლანჩხუთის მუნიციპალიტეტის საზოგადოებრივი ჯანდაცვის ცენტრის ბულალტერი ლუიზა სარიშვილი, ა(ა)იპ ლანჩხუთის მუნიციპალიტეტის სკოლამდელი საგანმანათლებლო საადმინისტრაციო ცენტრის დირექტორის მოვალეობის შემსრულებელი მარინა კვიციანი, ა(ა)იპ ლანჩხუთის მუნიციპალიტეტის სპორტული ცენტრის დირექტორი დიმიტრი მარშანიშვილი, ა(ა)იპ ლანჩხუთის მუნიციპალიტეტის სახელოვნებო სამუსიკო სკოლათა გაერთიანების დირექტორი ლია ურუშაძე, შპს „ლანჩხუთის“ დირექტორი ლევან იმნაძე, შპს „ქალთა საფეხბურთო კლუბი ლანჩხუთის ლანჩხუთი“ ის დირექტორი რევაზ ჩხაიძე. ა(ა)იპ ლანჩხუთის მუნიციპალიტეტის საფეხბურთო სკოლის დირექტორის მოადგილე გოგი ფაცურია.

სხდომის თავმჯდომარემ, ალექსანდრე მახათაძემ სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის 2024 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე.

/მომხსენებელი: ალექსანდრე მახათაძე/

2.სხვადასხვა.

სხდომის თავმჯდომარემ, ალექსანდრე მახათაძემ კენჭი უყარა დღის წესრიგის პროექტს.

მომხრე-7, წინააღმდეგი-არცერთი.

დღის წესრიგის პირველი საკითხი „ლანჩხუთის მუნიციპალიტეტის 2024 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე. ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე. ლანჩხუთის მუნიციპალიტეტის საკრებულოს დადგენილების პროექტი კომისიას გააცნო როლანდ ლაშხიამ მან აღნიშნა, რომ საქართველოს კანონმდებლობის თანახმად მუნიციპალიტეტის ბიუჯეტი წარმოადგენს მუნიციპალიტეტის საკრებულოს მიერ დამტკიცებულ, მუნიციპალიტეტის ფუნქციებისა და ვალდებულებების შესრულების მიზნით მისაღები შემოსულობების, გასაწევი გადასახდელებისა და ნაშთის ცვლილების ერთობლიობას. ლანჩხუთის მუნიციპალიტეტის ბიუჯეტის მაჩვენებლები დამოკიდებულია საქართველოში არსებულ მაკროეკონომიკურ მაჩვენებლებზე და საქართველოს კანონმდებლობით დადგენილ მაკროეკონომიკური პარამეტრების ზღვრების დასაცავად განსახორციელებელ ღონისძიებებსა და შეზღუდვებზე. საქართველოს ცენტრალური ხელისუფლების მიერ 2024-2027 წლების ძირითადი ეკონომიკური და

ფინანსური ინდიკატორების საბაზო მაჩვენებლების შესაბამისად (2023 წლის სახელმწიფო ბიუჯეტის შესახებ კანონპროექტის თანდართული მასალები). მუნიციპალიტეტის 2024 წლის ბიუჯეტის დამტკიცების შესახებ დადგენილების პროექტში ხარჯების ეკონომიკური კლასიფიკაციის მუხლით განსაზღვრული ასიგნებების ზრდა შეესაბამება საქართველოს ადგილობრივი თვითმმართველობის კოდექსის 155¹ მუხლის 2-ე პუნქტის მოთხოვნებს.

2024 წლის პროგნოზით მუნიციპალიტეტის ბიუჯეტის შემოსავლები ნომინალურ გამოხატულებაში 18492,0 ათას ლარს შეადგენს. 2023 წლის გეგმიურ მაჩვენებელთან შედარებით 2024 წლის შემოსავლების პროგნოზი იზრდება 990,0 თასი ლარით (5,7 %-ით).

2024 წელს საგადასახადო შემოსავლების პროგნოზი გადასახადების სახეების მიხედვით შემდეგია:

დამატებული ღირებულების გადასახადის საპროგნოზო მაჩვენებელი განისაზღვრა 12824,7 ათასი ლარით;

2023 წლის გეგმიურ მაჩვენებელთან შედარებით დღგ გაზრდილია 11,1 %-ით (1285,7 ათასი ლარით). აღნიშნული მოცულობით ზრდა გამოწვეულია მიმდინარე წელს, დაგეგმილზე მაღალი ეკონომიკური ზრდის შედეგად მოსალოდნელი გადაჭარბების და მომდევნო წელს ეკონომიკის ნომინალური ზრდის ფისკალური ეფექტებით;

ქონების გადასახადის საპროგნოზო მაჩვენებელი შეადგენს 1500,0 ათას ლარს;

2023 წლის დამტკიცებულ გეგმასთან შედარებით ქონების გადასახადი 300 ათასი ლარით არის გაზრდილი, რაც გამოწვეულია საწარმოთა ქონების გადასახადის გაზრდით.

გრანტების სახით დაგეგმილი მაჩვენებლები განისაზღვრება 400,0 ათასი ლარით, მათ შორის:

სხვა დონის სახელმწიფო ორგანიზაციებიდან გამოყოფილი ტრანსფერი (მიზნობრივი) 400,0 ათასი ლარი, რომელიც მიიმართება დელეგირებული უფლებამოსილების განხორციელების დაფინანსებაზე;

2023 წლის გეგმიურ მაჩვენებელთან შედარებით გრანტები 20 ათ. ლარით გაიზარდა (5,2%-ით).

2024 წელს არასაგადასახადო შემოსავლების პროგნოზი გადასახადების სახეების მიხედვით შემდეგია:

შემოსავლები საკუთრებიდან განსაზღვრულია 115,0 ათასი ლარის ოდენობით, მათ შორის:

რენტა 115,0 ათასი ლარი;

2023 წლის გეგმიური მაჩვენებელი შენარჩუნებულია.

შემოსავლები საქონელისა და მომსახურების რეალიზაციიდან განსაზღვრულია 52,0 ათასი ლარის ოდენობით, მათ შორის:

სანებართვო მოსაკრებლები 10,0 ათასი ლარი;

მოსაკრებელი დასახლებული ტერიტორიის დასუფთავებისათვის 12,0 ათასი ლარი;

არასაბაზრო წესით გაყიდული საქონელი და მომსახურება 30,0 ათასი ლარი;

აღნიშნული შემოსავლები 2023 წლის საპროგნოზო მაჩვენებლებთან არის შესაბამისობაში.

შემოსავლები სანქციები, ჯარიმები და საურავებიდან განსაზღვრულია 3500,0 ათასი ლარის ოდენობით, მათ შორის:

2023 წლის გეგმიურ მაჩვენებელთან შედარებით შემცირებულია 50,8 % -ით. (2024 წლის საპროგნოზო მაჩვენებელი გათვლილია 2023 წლის მოსალოდნელი შესრულების გათვალისწინებით)

არაფინანსური აქტივების კლების (პრივატიზაცია) სახით მისაღები თანხების გეგმა შეადგენს 79,0 ათასი ლარს;

ამავდროულად ბიუჯეტი ითვალისწინებს ვალის დაფარვას 58,1 ათ. ლარის ოდენობით.

მუნიციპალიტეტის ბიუჯეტის გადასახდელები

მუნიციპალიტეტის ბიუჯეტის გადასახდელების მოცულობა საკუთარი შემოსავლებით შეადგენს 22171,7 ათას ლარს (2023 წლის დამტკიცებულ გეგმასთან შედარებით იზრდება 2594,6 ათასი ლარით).

აღნიშნული ზრდა გამოწვეულია მომსახურების ხარჯების ზრდით.

პრიორიტეტების მიხედვით გათვალისწინებულია:

ინფრასტრუქტურის განვითარება - 2828,8 ათასი ლარი; მათ შორის:

საგზაო ინფრასტრუქტურის განვითარება - 473,6 ათასი ლარი;

წყლის სისტემების განვითარება - 167,3 ათასი ლარი;

გარე განათება - 850,4 ათასი ლარი;

კეთილმოწყობის ღონისძიებები - 162,0 ათასი ლარი;

მუნიციპალური ტრანსპორტის განვითარება - 125,5 ათასი ლარი |საპროექტო-სახარჯთაღრიცხვო დოკუმენტაციისა და სამშენებლო სამუშაოების ტექნიკური ზედამხედველობისა და ექსპერტიზის ხარჯები განსაზღვრულია 550,0 ათასი ლარი:

პროგრამის ფარგლებში განხორციელდება მუნიციპალიტეტის მიერ განსახორციელებელი ინფრასტრუქტურული სამუშაოებისთვის საჭირო საპროექტო დოკუმენტაციის დამზადების ხარჯებისა და ექსპერტიზის ხარჯების ანაზღაურება. ასევე, მოხდება სამშენებლო სამუშაოების ტექნიკური ზედამხედველობისათვის საჭირო ხარჯების ანაზღაურება.

ოჯახების სოციალურ - ეკონომიკური გაძლიერების მხარდაჭერის პროგრამა - 100,0 ათასი ლარი

დასუფთავება და გარემოს დაცვა განისაზღვრა - 2606,0 ათასი ლარი, მათ შორის:

დასუფთავება და ნარჩენების გატანა - 2298,9 ათასი ლარი

პროგრამის ფარგლებში განხორციელდება მუნიციპალიტეტის დაგვა-დასუფთავება და ნარჩენების გატანა.

მწვანე ნარგავების მოვლა-პატრონობა, განვითარება - 277,1 ათასი ლარი

მოსახლეობისთვის ჯანსაღი და კომფორტული გარემოს შესაქმნელად აუცილებელია მუნიციპალიტეტის გამწვანება და ეკოსისტემის გაუმჯობესება. პროგრამის ფარგლებში მოხდება ქალაქ ლანჩხუთში მწვანე ნარგავების მოვლა-პატრონობა, მუნიციპალიტეტის ტერიტორიაზე არსებული სკვერების მოვლა-პატრონობა.

უპატრონო ცხოველების მოვლითი ღონისძიებები - 30,0 ათასი ლარი;

პროგრამის ფარგლებში განხორციელდება მაწანწალა ცხოველების დაცვითი ღონისძიებები.

განათლება - 4462,8 ათასი ლარი, მათ შორის:

სკოლამდელი განათლება - 4416,3 ათასი ლარი;

განათლების ხელშეწყობა - 46,5 ათასი ლარი

კულტურა, ახალგაზრდობა და სპორტი - 4551,9 ათასი ლარი მათ შორის:

სპორტის განვითარების ხელშეწყობა - 2258,0 ათასი ლარი;

პროგრამის ფარგლებში დაგეგმილია სპორტული სკოლების ფუნქციონირების ხელშეწყობა ჯანსაღი მომავალი თაობის აღზრდის მიზნით. ასევე, სპორტის სხვადასხვა სახეობაში გაიმართება ტურნირები მოყვარულ და პროფესიონალ სპორტსმენებს შორის, მოხდება სპორტული სკოლების უზრუნველყოფა საჭირო ინვენტარით. პროგრამა ითვალისწინებს ლანჩხუთის მუნიციპალიტეტში მცხოვრებ წარმატებულ სპორტსმენტა და მწვრთნელთა დაჯილდოების ხარჯებსაც.

კულტურის განვითარების ხელშეწყობა - 2263,9 ათასი ლარი;

პროგრამის ფარგლებში მუნიციპალიტეტი განახორციელებს სახელოვნებო სკოლების, ბიბლიოთეკების, მოსწავლე-ახალგაზრდობის ცენტრის, მუზეუმისა და კულტურის ცენტრის დაფინანსებას, უზრუნველყოფს მათი ფუნქციონირებისთვის საჭირო მატერიალური და ფინანსური ბაზის შექმნას. მუნიციპალიტეტის კულტურული ტრადიციების დაცვის მიზნით პროგრამის ფარგლებში გაგრძელდება

სხვადასხვა კულტურული და დასვენების ობიექტის ფინანსური მხარდაჭერა, განხორციელება სხვადასხვა კულტურული ღონისძიება, მათ შორის სადღესასწაულო დღეებში სხვადასხვა გასართობი და სანახაობრივი ღონისძიება და სხვა.

ახალგაზრდობის მხარდაჭერა -30,0 ათასი ლარი;

პროგრამის ფარგლებში დაგეგმილია ახალგაზრდობის ინიციატივებით წარმოდგენილი სხვადასხვა პროექტების განხორციელება და სხვა.

ჯანმრთელობის დაცვა და სოციალური უზრუნველყოფა - 1350,6 ათასი ლარი, მათ შორის:

საზოგადოებრივი ჯანმრთელობისა და უსაფრთხო გარემოს უზრუნველყოფა - 215,3 ათასი ლარი;

პროგრამა ითვალისწინებს სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში „საზოგადოებრივი ჯანმრთელობის შესახებ“ საქართველოს კანონით განსაზღვრული ფუნქციების დაფინანსებას, კერძოდ: არსებობის შემთხვევაში ცოფის კერის ლიკვიდაცია და დაკბენილი მოსახლეობის ზუსტი აღრიცხვა, სასწრაფო შეტყობინების სისტემის დახვეწა და გაუმჯობესება; დაავადებათა გავრცელების ეტაპობრივი შემცირება მისი კონტროლის გზით. ეპიდსიტუაციის გამწვავების დროული გამოვლენის ხელშეწყობა და მათზე სწრაფი რეაგირება, პროფილაქტიკურ ღონისძიებათა გატარება; მუნიციპალიტეტის მოსახლეობაში არაგადამდებ დაავადებათა პრევენციის და ჯანმრთელობაზე მავნე ფაქტორების ზემოქმედებაზე მოსახლეობის ინფორმირების გზით ჯანმრთელობის დაცვის ხელშეწყობა;

სოციალური პროგრამები - 1135,3 ათასი ლარი;

მმართველობა - 6370,9 ათასი ლარი, მათ შორის:

საკრებულოს დაფინანსება - 1392,5 ათასი ლარი;

მერია - 4271,4 ათასი ლარი;

სარეზერვო ფონდი - 70,0 ათასი ლარი;

სამხედრო აღრიცხვის და გაწვევის სამსახური-184,7 ათასი ლარი;

სსიპ მუნიციპალური განვითარების ფონდისთვის დასაფარავი თანხა და ვალის მომსახურება 90,0 ათასი ლარი, მათ შორის - ძირი 58,1 ათასი ლარი და პროცენტი -31,9 ათასი ლარი.

წინა პერიოდში წარმოქმნილი ვალდებულებების დაფარვა და სასამართლოს გადაწყვეტილებების აღსრულების ფინანსური უზრუნველყოფა 20,0 ათასი ლარი

საერთო დანიშნულების სახელმწიფო მომსახურება - 6571,9 ათასი ლარი;

თავდაცვა - 184,7 ათასი ლარი;

ეკონომიკური საქმიანობა - 699,1 ათასი ლარი;

გარემოს დაცვა - 2576 ათასი ლარი;

საბინაო-კომუნალური მეურნეობა - 2159,7 ათასი ლარი;

ჯანმრთელობის დაცვა - 215,3 ათასი ლარი;

დასვენება, კულტურა და რელიგია-4551,9 ათასი ლარი;

განათლება -4602,6 ათასი ლარი;

სოციალური დაცვა -1136 ათასი ლარი.

კომისიის წევრების მიერ მოსმენილი იქნა ა(ა)იპ იების და „შპს“ დირექტორთა და წარმომადგენელთა მოსაზრებები წარმოდგენილ ბიუჯეტის პროექტთან დაკავშირებით.

წარმოდგენილი 2024 წლის ბიუჯეტის დადგენილების პროექტთან დაკავშირებით კომისიის წევრების მიერ გამოითქვა გარკვეული შენიშვნები და წინადადებები. კერძოდ;

- ა(ა)იპ ლანჩხუთის მუნიციპალიტეტის საფეხბურთო სკოლას ხელფასების მოსაწესრიგებლად ესაჭიროება 17000 ლარი.

- კულტურის დაწესებულებათა გაერთიანებას სარემონტო სამუშაოებისათვის ჭირდება 50 000 (ორმოცდაათი ათასი) ლარი.
- სახელოვნებო სამუსიკო სკოლათა გაერთიანებას ესაჭიროება სახურავის შეკეთებისა და სხვა ხარჯებისთვის 20 000 (ოციათასი) ლარი.
- „ქალთა საფეხბურთო კლუბი ლანჩხუთის ლანჩხუთის“ ესაჭიროება დამატებით 30 000 (ოცდაათი ათასი) ლარი.
- კომისიის წევრმა ჯუმბერ ბლაგიძემ ითხოვა სადეპუტატო უფლებამოსილების ხარჯების მატება 2024 წლის ბიუჯეტში.

სხდომის თავმჯდომარემ, ალექსანდრე მახათაძემ კენჭი უყარა წარმოდგენილ დადგენილების პროექტს გამოთქმული შენიშვნებითა და წინადადებებით მისთვის დასაბრუნებლად შემდგომი დამუშავებისთვის.

მომხრე-7, წინააღმდეგი-არცერთი.


სხვადასხვა :

-საფინანსო-საბიუჯეტო კომისიის წევრების მიერ გამოითქვა მოსაზრება ლანჩხუთში მდებარე საფეხბურთო აკადემია რომელიც ჯერჯერობით არ ფუნქციონირებს , დაწყებული იქნას მოლაპარაკებები ფეხბურთის ფედერაციასთან და ქონება გადაეცეს სარგებლობის უფლებით საფეხბურთო სკოლასა და ქალთა საფეხბურთო კლუბს გამართული ფუნქციონირებისათვის.

ამით კომისიის სხდომამ მუშაობა დაასრულა.

საფინანსო-საბიუჯეტო

კომისიის თავმჯდომარე:



ალექსანდრე მახათაძე

ქ. ლანჩხუთი

22.11.2023 წელი

ლანჩხუთის მუნიციპალიტეტის საკრებულოს

საფინანსო-საბიუჯეტო კომისიის დასკვნა №9

2023 წლის 22 ნოემბერს ჩატარებულ იქნა ლანჩხუთის მუნიციპალიტეტის საკრებულოს საფინანსო-საბიუჯეტო კომისიის სხდომა.

სხდომამ განიხილა დღის წესრიგით გათვალისწინებული შემდეგი საკითხები:

1. „ლანჩხუთის მუნიციპალიტეტის 2024 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე, ლანჩხუთის მუნიციპალიტეტის საკრებულოს განკარგულების პროექტის განხილვა.

კომისიამ მიიღო გადაწყვეტილება:


დღის წესრიგის პირველი საკითხი

1. „ლანჩხუთის მუნიციპალიტეტის 2024 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე. ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

კომისიამ მიიღო გადაწყვეტილება ლანჩხუთის მუნიციპალიტეტის საკრებულოს დადგენილების პროექტი დაბრუნებული იქნას მერისთვის შემდგომი დამუშავებისთვის, რათა მოხდეს შეძლებისდაგვარად იმ შენიშვნებისა და მოსაზრებების გათვალისწინება, რომელიც გამოთქმული იქნა კომისიისა და ფრაქციებში ბიუჯეტის განხილვის დროს.

საფინანსო-საბიუჯეტო









კომისიის თავმჯდომარე :

5. 

ალექსანდრე მახათაძე

ლანჩხუთის მუნიციპალიტეტის საკრებულოს საფინანსო-საბიუჯეტო კომისიის
წევრთა დასწრების სარეგისტრაციო ფურცელი

22.11.2023 წელი
14:00 საათი

	სახელი, გვარი	გამოცხადების დრო	ხელმოწერა
1	ალექსანდრე მახათაძე	13 50	
2	ია მოქია	13:55	
3	გიორგი ჩახვაძე	13 55	
4	სპარტაკ კვაჭაძე	13-57	
5	კახა თედორაძე	15 55	
6	ვლადიმერ ნანაძე	მ. კახიანიძე	
7	გიორგი გოგუაძე	13 45	
8	ვერიკო კვიციანი	მ. კახიანიძე	
9	ჯუმბერ ბლაგიძე	13 55	